

97. *Quam impietatem declinaturus Marcion, in parem incidit impietatem, duo fingens principia, sive duos DEOS, unde in creatione omnia, ac sic peccatum quoque ortum suum acceperint, teste Augustino de haeresibus.*

98. *Cui blasphemiae subscripserunt Manichæi, qui duos etiam DEOS, bonum atque malum, sunt commenti, quorum ille ex materia bonâ bonum: hic ex malâ malum quodvis produxerit: ut testatur unanimes consensus historiae Ecclesiasticae.*

99. *Quam ad errantium classem referenda sunt etiam Calvinistarum μετεωρολογίαι, & Astrologorum prognosticationes genethliacæ & judiciariæ, Deum peccati autorem baud obscure constituentes.*

100. *Cum enim, quicquid agunt astra, id ex DEO conditore habeant: sanè consequens fuerit, quocumque tandem modo syderum motus & influentia, malarum actionum causa esse dicatur: eodem modo Deum, quippè qui has vires istis indidit, earundem autorem & causam primam constitui.*

